



Sant Ujöp n tistler y n somiadú

Chësc éi ci che le caraterisëia. Al é n somiadú che stá cun trami i pisc sòla tera y che reconësc sciöche realté ci che tröc arata por na fantasia. Al crëi che Chël Bel Dî pó brancé ite tla vita dla jënt y ch'al á val' da ti dí ala jënt, val' che paia la mëia da gní ascuté sò. Y Ujöp ne crëi nia ma, al vir ince aladò.

PLOANIES SAN MARTIN Y LUNGIARÜ

I recordi l'orar de Madovines: a Lungiarü dales 21.00
a S.Martin dales 23.00

**A düc i fedei da San Martin y da Lungiarü ti aodi
de beles festes da Nadé. *Le ploian***

La plata dla cöra ne sciafia nia da ves dé scincundes por Nadé,
mo nos sciafiun da ester un por l'ater **na scincunda da Nadé**: se'i ciarun da ester
n pü' valënc, de sorvisc, saurisc y reconescënc. I orun se lascé rí ados dal Bambin
te cöna, che spera y confida, sciöche vigni pice möt, tl bëgn tla jënt incëria.

PLOANIA SAN MARTIN

Le KVV da San Martin inviëia düc sü mëmbri en San Stefo, ai 26 de dezëmber, ala
Gran Mëssa zebrada por la Uniun. Dedò é düc i scric ite al KVV inviá sò dal Tasser
ala indunada y a sté n pü' adöm pro val' da mangé y da bëre. Preibel recordesse da
ves tò do les zetoles por la lita dl consëi nü!

PLOANIA DA LUNGIARÜ

Pice concert da Nadé a Lungiarü: Le Cor di Ministranc ves inviëia dër bel al pice
concert da Nadé che gnará tigní en Vëia de Nadé, ai 24 de dezëmber, dales 20.30,
na mesora dan la Mëssa de Madovines, te dljia.

Sciöche vigni ann jará i Sorvidus da Lungiarü indò a tò la **löm de Betlehem**.
Do Madovines podunse se tò cun nos te nostes ciasas la löm che vëgn diretamënter
dala ciasa nadé de Gejú. Vignun é porchël invié da se tò do na ciandëra.
I Sorvidus ti aoda a düc de beles festes dër sintides.

La Scora de Musiga tëgn n "Concert da Nadé" en dedemesaledema/mercui, ai
21 de dezëmber, dales 18.00, tla dljia de San Linert a Badia.

Al cianta y sona les scolares y i scolar dla Scora de Musiga dla Val Badia. Düc é dër
bel inviá da gní a ascuté sò les beles medodies y cianties che vëgn portades dant.

Tl Raiun Sozio-sanitar (pröma alzada) a Picolin éi na **Portina de informaziun** sura
l'assistënza y la cura de porsones che á debojëgn de guern, sides a ciasa, co tla Ciasa
de Palsa y ince por l'assistënza infermieristica a ciasa. Orar: lönesc, dedemesaledema
y vëndres dales 14.00 - 16.00, dedolönesc y öbia dales 10.00 - 12.00; telefon tratan
i orars de daurida é 0474 586 137 o 0474 586 138.



www.unitepastorala.org

Plata dles Ploanies San Martin y Lungiarü

siur Iaco Ploner 333 48 32 765 / 0474 453 003 - ploner.jakob@aruba.it
redaziun: anton.gasser@rolmail.net - 348 27 44 517 / 0474 523 194

18.12. – 25.12.16 nr. 4


termo da publiché: jöbia 20.00
radio: 90,40 / 93,70



CUARTA DOMÈNIA D'ADVÈNT - A

Vangele do San Matf 1.18-24

Cun le nadé de Gejú Crist éra stada insciö:
Maria, süa uma, é nücia impormetüda a Ujöp;
ciamò denanch' ai rovass adöm,
s'ara porté pro ch'ara aspetâ n möt –
por opra dl Spirit Sant.
Ujöp, so om, che é iüst
y che n'orô nia la descredité,
s'â tut dant de se despartì adascusc da d'ëra.
Ciamò tratan ch'al ponsâ sura,
ti éi comparì n agno dl Signur y à dit:
Ujöp, fi de Davide, no te temëi
da tò pro tè Maria por fomena;
deache le möt ch'ara aspeta é dal Spirit Sant.



Al n'é nia di ca, che mituns „da dan le maridé“ é n surainom
y na merscia ch'ai se portâ do por dötta la vita.
Ince sc'ai n'un podò nia, ti gnòl metü peres te tru y ai messá gonot trá ala cörta.
Tres ciamó éi porsones che n'é nia bëgnodüdes deach'ares é atramënter:
porsones da defet, da n ater corú, cun n ater orientamënt sessual y i.i.
Idí, de chël ch'i cherdun, ch'al é gnü persona umana por ester danter nos,
é ince gnü cun na merscia al monn. Süa paternité n'é nia tlera.
N möt da dan le maridé. Forsc n'ël porchël nia gnü azeté tla cité de so daciasa.
Y chësc jonn, dala descendënza nia tlera, vëgn n bel dé adoré dai cristians
suradöt le monn sciöche Salvatur, sciöche Fi de Dî.
Co podunse pa avëi ingert porsones che n'á nia na descendënza „normala“,
deach'ai ne passenëia nia ite te nosc stamp?
La manira sciöche Gejú Crist é gnü al monn ghira da nos cristians
ch'i chiriunse le divin propi te chës porsones che ne corespogn nia
a ci che nos s'aspetassun ion da d'ëres.

	SAN MARTIN		LUNGIARÜ
18.12.16 4^a Domënia d'Advënt – A	9.00 Corona 09.30 Gran Mëssa por la comunité	18.12.16 Domënia	7.30 Confesciuns 7.55 Corona por + Lena Dapoz (intenz. Uniun Ères) 8.15 Gran Mëssa dla comunité
19.12.16 Lönesc <i>Conrad, Susana</i>		19.12.16 Lönesc	7.30 Zelebrazion dla Parora
20.12.16 Dedolönesc <i>Heinrich, Regina, Eugen</i>	14.15 Confesciun di scholars dla sc. elementara 15.00 Confesciun di scholars dla sc. mesana 19.30 Rorate (<i>cianté dal cor de dlijia</i>) Rorate por vëdui, vëdues y porsones sores Rorate por la Uniun quant da zacan	20.12.16 Mertesc	7.30 Funziun d'Advënt
21.12.16 Dedemesaledema <i>Pire Canisius, Richard</i>		21.12.16 Mercui	7.50 Mëssa di scholars dl ann + Veronica Costa + + Iaco y Veneranda Clara + Carlo Planatscher 14.30 Confesciun di scholars 19.30 Funziun penitenziala
22.12.16 Jöbia <i>Iuta, Marian, Franzisca</i>	7.30 Rorate fam. de Sepl Frenner + Giovanni Tavella + Lena Rubatscher Zingerle Corona por vocaziuns	22.12.16 Jöbia	7.30 Funziun d'Advënt
23.12.16 Vëndres <i>Jan da Cracau, Ivo</i>	18.30 Adoraziun chîta 19.00 Adoraziun deboriada	23.12.16 Vëndres	19.30 Rorate Rorate por i Stödafüch Rorate por le Cor de Dlijia Rorate por le families de Giovanni Chiusura + Madalena Clara Dapoz
24.12.16 <i>Adam y Eva</i> VËIA DE NADÉ VIGILIA DI NATALE HEILIGER ABEND	23.00 Mëssa de Madovines por la comunité	24.12.16 Sabeda	21.00 Mëssa de Madovines por la comunité
25.12.16 NADÉ DL SIGNUR NATALE CHRISTTAG	10.00 Mëssa solëna de Nadé 18.00 Öspi da Nadé	25.12.16 Domënia	8.30 Mëssa solëna de Nadé 14.00 Öspi da Nadé